



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 21. Austriæ Dux, & Malaresta a Papa excommunicati

[urn:nbn:de:hbz:466:1-66459](#)

Sacul. XV. tharinam in album Sanctorum Cælitum
A.C. 1461. solemini ritu retulit, hancque in rem die
 vigesima nona Junii Constitutionem edi-
 dit, qua festivam illius diem quotannis
 prima Mensis Maji Dominica celebrari
 præcepit. Postea Urbanus VIII. huic
 celebritati trigesimam Aprilis assignavit,
 qua die officium divinum in Breviario
 Romano sub ritu duplii persolvitur.

§. XXI.

*Austriæ Dux, & Malatesta a Papa
 excommunicati.*

Hoc eodem anno feria quinta Hebdo-
 madæ majoris summus Pontifex
 Sigismundum Austriacum, & Sigismundum
 Malatestam usu Sacrorum interdi-
 xit, eoquod prior Cardinalem Cusanum
 diris vexationibus, atque injuriis oppres-
 sisset. Attamen hæc anathematis sen-
 tentia nonnisi innovata videtur; jam enim
 priori anno, cum summus Pontifex ad-
 huc Senis ageret, idem Dux sacro Ec-
 clesiæ fulmine percellebatur. Sigismundus
 vero Malatesta eidem censuræ subjic-
 ciebatur, eoquod census Ecclesiæ Roma-
 næ debitos solvere recusaret. Ceterum
 Malatesta Vir erat bello summus, ac in-
 ter ceteros ævi sui Belliduces facile Prin-
 ceps, scelerum tamen atrocitate non mo-
 dicam nomini suo labem inussit; erat
 enim

enim homo impius, nullique religioni Sæcul. XV.
addictus, præterea animæ immortalita- A.C. 1461.
tem inficiabatur, & quæcunque sacra-
tiora violabat jura, ut suam satiaret am-
bitionem. His flagitiis sibi justam sum-
morum Pontificum indignationem accer-
sivit, præcipue vero illam execrationem,
cujus mox meminimus. Idem cum Se-
nensis & Florentini exercitus Præfectus
esset, in ipsum quoque summum Pontifi-
cem, incassum licet, arma convertit;
tandem vero sexto post anno millesimo
quadrageentesimo sexagesimo septimo
animam exhalavit.

§. XXII.

*Alia excommunicationis sententia in
Archiepiscopum Moguntinum.*

Idem quoque Pontifex aliam excommu- Comment.
nicationis sententiam pronuntiabat in Pii II. lib. 6.
Moguntinum Archiepiscopum, Diethe-
rum nomine. Is postquam Anno mille-
simo quadrageentesimo quinquagesimo
nono electus fuisset, Mantuam Oratores
misit, qui confirmationem a Papa de mo-
re postularent. Annuit Pontifex, dum-
modo ipsus Apostolicam Sedem adiret,
solveretque unius anni cursu summam pro
illa Ecclesia in Curia Romana designa-
tam. Cum autem Dietherus hisce con-
ditionibus non satisfaceret, ab Auditore

B 5

Came-